

凤台县志卷之十

列女上

唐泽潞将张伾妻徐氏封高平郡夫人伾镇泗州病卒军吏欲立伾子重政为郡将徐氏号泣固拒不从德宗诏褒之进封鲁国夫人

后周李筠爱妾刘氏随筠至泽时被攻城危刘谓筠曰城中健马几何筠曰尔安问此刘曰孤城危蹙破在俄顷今诚得马数百与腹心溃围出保昭义求援河东犹愈於坐以待死也筠然之召左右计马尚不减千匹以是

鳳臺縣志

卷之十

列女

一

夕将出或沮之筠犹豫不决明日城陷筠将赴火刘欲俱死筠以其有娠麾令去筠子守节购得之果生子守节卒无后以刘所生之弟为嗣宋参军谢翱宋骑吹曲有李侍中妾歌

金刘璋妻乐氏年二十一岁夫亡遗孤长五岁次止十七日耳母家议令改适氏截髮誓守值贞祐己巳荒变中弥坚苦节历五十馀年乡人扁其堂曰岁寒

周氏泽州人安西张兴祖妻年二十四兴祖歿舅姑欲令改适周氏弗从曰妾家祖父皆蚤世妾祖母妾母並以

貞操聞妾或中道易節是忘故夫而辱先人也夫忘故夫不義辱先人不孝不義妾不為也遂贅居三十年奉舅姑生事死葬無違禮其父與外祖皆無后葬祭之禮亦氏主之有司以聞並賜旌異

明邢清妻劉氏清病尪氏來歸異居侍病尚未合瘳清疾亟呼氏訣問以所從泣應曰脫不幸愿從地下比卒遂縊而死宏治中旌表

孟誠妻高氏年二十五而寡生子泰七歲待食机杼抚孤自守泰娶王氏生子鑑泰亡鑑娶牛氏生三子彪欽欽

鑑亦歿兩家父兄怜其貧均欲奪之王曰吾姑為節婦矣牛曰吾姑祖姑為節婦矣矢志堅貞后先如出一口皆年七十而終里有三節堂后孫春官侍郎曾孫陽行人以諫死咸為名臣忠節萃於一門

范蒲妻梁氏適蒲甫匝月蒲暴卒氏年十八誓以死殉母令姑同氏寢氏伺姑晨起即投繯自縊嘉靖間事聞於朝立祠以祀

李孟冬妻宋氏嫁一載而夫亡歸宁母受富室厚聘促改適氏恚不從母讓之以釜擲氏面歸白翁更衣闔戶引

刃断颈尸僵立不卧远近闻而悲之隆庆初立祠以祀
焦廷器妻韩氏年十七于归甫三日夫暴亡韩涕洒悲哀
丧葬毕旋自缢死

兵部司务郭环妻张氏环卒於官子志学甫七岁志仁在
襁褓张攜孤扶榱以归既葬躬纺织课二子力学相继
登第人谓张贞洁之行既重於乡间义方之训尤足以
昭来许也

李朝元妻毛氏事继姑称孝年二十二夫亡长子方保抱
攜持次子生祇数日乳哺教育母氏劬劳苦节六十餘

載

生员侯秉醇妻郎氏夫亡痛绝复甦屢以死殉舅姑父母
阴谋夺其志氏闻勺水不入口三日死诏旌其门

举人张翰妻焦氏翰卒誓必死初弗令人知夫殒殮既毕
入阁栲沐整衣自经死太守嘉其节义叹曰臣死忠女
死节张翰妻可谓女中丈夫矣

庠生刘孟津妻王氏年二十三夫亡遗孤方襁褓稍长教
读书早岁游庠守节六十年贫病艰难两目遂盲於视
又有朱氏者刘孟滨妻亦苦节四十餘年而歿当事以

双节表其门

毛炳然妻王氏炳贾客十馀载感疾归手足不仁终日生卧弗能语氏脱簪珥搆医药手滌中群厕踰历数年炳终以病死氏号泣触头出血几绝后藉纺绩以教养孤儿俊民有声庠序事闻旌表

党凤妻张氏年二十二夫亡誓不更志纺织自贍教育孤儿闺门整肃事闻旌表

辅国中尉朱充偃妻魏氏封宜人夫卒氏昼夜号哭死

韩表妻裴氏夫亡柏舟自矢闺门谨严足迹不越阃外诏

旌其门

赵汝凤妻魏氏年二十四夫亡抚孤腾跃跃早卒又抚孙万国艰苦备尝寿八十四岁院守旌之后四十年赵日映继室苗氏年十九而寡无子孝事孀姑及姑卒躬自营葬四棺痛感道路郡守为旌其门

举人孟思妻鍾氏二十岁抚子履约履约妻冯氏二十一岁抚子士贞庠生士贞妻王氏二十六岁妾甯氏十七岁偕抚子璋璋早卒抚三日孙淑一门四节乡党称贤贡生张煒妻李氏年十九夫亡抚子祖廕入庠奉诏旌表

廕与蠡县令王采殉城难妾申氏抚孤入郡庠寻以未
获廕骸骨痛悼卒

刘鸣鹭妻李氏崇正间流寇掠大阳氏攜二女长成宪西
妻次田饶妻一侍婢仓皇出走道遇污池谓二女曰我
等女流将焉适不如入此全身遂偕二女侍婢竟投池
死

李尚隆妻韩氏隆死未葬遽遭流贼肆横民人逃匿山谷
氏独潜墙壁中守柩贼入室柩焚氏遂缢死於壁

关天廕妻田氏偕妾杨氏年甫十九遗孤才一岁教养成

立为名诸生后遭氛遇害

段列女父如锦崇正五年女年才十四为流寇所擄女夺
贼佩刀自刎死

张重光妻冯氏年十六夫亡遗腹生子国相抚育成立守
节四十餘载院道旌其门

张燮妻靳氏燮弱冠赴省试中途水暴涨堕水死讣至氏
几不欲生时方有娠或劝以生子可延夫祀后果生子
培德教之读书入庠忽以病卒复抚诸孙纶等成立乡
人仰靳氏之节为旌其门

义官董思焘妻耿氏夫亡哀毁成疾伯氏思照抚爱遗孤
教养备至会照病氏感其德号天祈祐里邻称之伯亦
寻愈郡守为旌表之

段一宗妻李氏生子未踰年而夫亡氏乃屏膏沐勤织紵
训孤自泰成立苦节五十年按院给匾赐粟嘉其节义
张一桂妻郭氏夫亡年二十二剪髮自誓育二子源泉成
立守节六十年院道屡加旌奖

庠生石文炳妻赵氏夫亡时年十九抚周岁孤延庆勤劬
鞠育常闭户独居宗党以事相见赵闲门与语未尝出

庭户其严峻如此

马负图妻周氏负图服贾卒於客舍姑衰老旦夕必藉人
扶护周亲侍姑侧遣其子奉匱归里门终丧尽哀教子
成立孙之騫曾孙如龙亦早岁成名道守並加旌表
孝子赵友益妻安氏友益屡祷於神代父死囑安仰事俯
育友益死安辛勤三十年舅姑生养死葬皆尽礼教子
嗣昌嗣盛俱入庠有司旌其门

田铎妻王氏年二十六而铎歿誓不再醮昼夜纺绩抚育
孤儿辛苦备尝守节三十九载宏治闻诏旌其门

侯侃妻康氏侃歿时氏年甫二十痛愤几死抚孤垂四十年厥子成立不坠家声正德间诏旌为贞节之门

庠生李大隆妻郜氏夫亡京邸郜氏方二十五闻讣即欲自尽所亲力劝之曰尔独不为李氏孤儿计乎於是屏膏沐绝华丽足不踰阃教子读书有成孀居三十五载嘉靖间以事闻奉诏旌表

生员李长盛妻裴氏尚书裴宇女恪执妇道夫亡裴方二十一岁守节四十馀年闺门严整乡邦称之院道给扁旌表

生员郝训妻王氏夫歿王方二十三岁家贫茹荼三十馀年始终不变院道旌表

任仲辅妻刘氏二十一岁仲辅客死抚幼子成立守节六十馀年按院表其门曰贞节之门

关守智妻连氏夫年少以病亡氏茹荼四十馀载训子天俸补博士弟子员院道旌之

王纳言妻任氏夫歿任年二十四所亲劝其再醮任曰夫亡有遗孤在犹不亡也历五十馀载不变其志院道屡旌其门

奉国将军朱聪滂妻李氏奉国捐馆子女前后各数人时
李年二十有七抚育辛勤绝无异视年七十餘以疾终
嗣子俊轍亦卓然孝友无忝母训

朱充奠妻王氏年二十一夫亡遗孤方一岁含悲鞠育几
四十载至晚岁曾孙满前有司屡加旌表

镇国中尉朱俊蒸妻李氏封恭人夫歿李年二十一哀毀
踰礼抚育稚子充鲜卓然自立苦节四十餘年有司优
奖

陈凤麟妻苗氏夫亡立志守节值明末流离颠沛並得保

全其姑以抚育其稚子艰苦备尝守节三十四载以疾
终

刘炎妻宋氏经流寇被执义不受辱寇以火逼竟赴火死
生员王会极妻裴氏闯贼索金拘其翁氏脱簪珥出之寻
翁遭诬祸不测氏复荡产白翁冤子化美入郡庠

署丞段廷黼妻魏氏段居让妻庞氏王尧臣妻姚氏

俱无事迹

可考

国朝岳尚武妻司氏年二十夫亡藉纺绩以餬其口教子
峻极早岁成名巡按疏请建坊旌表

生员孔铨妻毛氏结褵五月铨卒氏恻绝投缯侍婢严卫之毛忽谓其婢曰若辈不须防我我尚有遗腹男女未可知姑俟他日始定耳治夫圻墓绳度尺寸计容两棺临月竟生女自是朝夕痛哭日进米汁一盞两月而卒巡按疏请旌表

官廕生张中驥妻陈氏年二十二夫亡呼抢欲殉方抱娠姑以存祀谕及期果生子抚之成立廕官监不幸又早卒三丧未举卜莹礼葬之族党为择宗支乘輅为嗣抚若亲生考授州同知康熙四十一年建坊旌表

张贞女贫民张崇女也幼字苗咨未婚咨卒女闻讣奔丧成服誓以身殉姑慰而止姑老且贫翁素就食於外女养姑以十指比姑歿终葬女七日不食死当事闻於朝雍正九年建坊旌表

郭世纶妻秦氏年及笄归於郭甫一载而夫亡氏誓以死殉时夫之祖父已先亡遗两世孀姑相抱而泣氏顾而恻曰是未可以死也遂孝养两姑抚嗣子家故贫氏为鬻簪珥勤纺织以供朝夕环堵萧然而处之晏如越数载嗣子泰交授室两姑亦相继去世氏曰大事已毕可

以寻亡夫於地下矣遂寢疾不食而死乾隆七年有司
为请旌於

朝建坊设牌节孝祠一时文人重其节行作为诗歌汇成
卷帙郡丞李之焯序而传之

岳门二烈岳遐昌妻任氏二十四夫亡无子上有迈姑氏
矢志坚贞竭力孝养继子禅承夫宗祀娶妻马氏克尽
妇道会姑以疾卒竭力营葬家无次丁禅以积劳感疾
而亡任氏姑息孀寡无依呼天抢地同心一绳而缢闻
者莫不恻心乾隆九年建坊旌表

王门二烈王守妻郭氏年二十二岁夫亡遗孤王默甫三
岁氏矢志苦守十八年抚默成人娶妻原氏就室方旬
默忽以剧疾卒三日殮毕郭氏原氏潜以深夜共誓投
缢乾隆十二年有司上其事於

朝建坊旌表

申懋修妻王氏年二十二夫亡哀毀绝粒誓不欲生咸劝
以事翁姑抚幼子大义遂勉强就食竭力奉二亲未几
翁姑相继病故氏尽典钗钿衣饰丧葬以礼为子娶妻
生孙爰养曲尽守□□□□乾隆十二年建坊旌表

钱烈女金姐僻居乡村性庄谨守正自持有恶少田永吉
出言调戏女羞忿乘夜投崖身死以明志乾隆二十年
有司上其事於

朝以节烈可嘉建坊旌表

刘廷栋妻徐氏农家妇秉性贞洁邻人高秀水欲以调戏
图奸氏羞忿投缢捐躯明志乾隆二十二年以节烈可
嘉建坊旌表

马继武妻宋氏青年归继武武以疾歿氏悲泣不食自缢
柩傍乾隆二十七年奉

鳳臺縣志

卷之十

列女

十一

旨旌表祀入节孝祠

史秉直妻任氏年二十而夫亡生子甫周岁时翁姑已早
逝依秉直伯父母同居氏即以翁姑奉之定省胥以礼
若不知其为夫之伯父母也以长以教俾子宗仁入庠
守节四十年乾隆三十八年奉

旨给匾嘉奖

马自发妻周氏贫家女秉性贞洁不为强暴所污马二圪
涝图奸不从被斫身死乾隆三十八年以节烈可嘉建
坊旌表

赵二铁妻林氏刚烈有至性邻人林东雄以秽言戏谑氏羞忿捐躯乾隆四十年以节烈可嘉建坊旌表

成乃峻妻成氏年二十七岁而夫亡无子亲治殓具向请妣求继嗣以立夫后从容入室投缳自尽乾隆四十一年建坊旌表

张门四节张骆继妻石氏年二十一而夫亡殓毕即投缳欲自尽邻妇力救而甦时上有孀姑前妻遗四子皆幼穉咸劝以奉姑抚子为重氏遂竭力孝其姑爱养诸子家故贫尽典其簪珥衣服为生活计不继则以女红缠

线绒笄日易十数钱以供粥米越数载抚四子成立授室皆名家女以俭朴相率著为家法守节五十四年骆长子同仁妻孔氏年二十七而夫亡遗子旋殇嗣一姪数年复歿贫苦自守奉孀姑朝夕不离尝为女工夜无灯火炷香以照纺绩会姑病氏亦患目疾力供汤药寻皆愈其诸姪偶有微疾辄亲为调护曰犹子即吾子也守节四十二年骆三子同礼妻陈氏二十四岁而夫亡子生甫五日誓欲死殉急持利刃自刺血流满襟姑急夺刃苦劝以抚子衍祀氏泣曰守节非盛事吾不幸遭

之命也但求此子成立留夫一脉吾心已尽及子稍长
尝指刃迹疮痕示之曰吾若死於此尔不知死所矣后
以家贫不能供姑甘旨使子经营於外所得辛金按时
收检以养其姑守节三十八年骆四子同智妻陈氏年
二十七而夫歿遗孤幼姑在堂夫病时尝嘱之曰吾有
老母不能养有幼子不能教今将死目不能瞑氏曰汝
善自养病老母幼子在吾一人未几夫歿丧葬悉如礼
时氏父远官宁晋召使就食官署氏辞以亡夫遗言老
母无人奉养求为助济以养姑生平教子尤严子体刚

读书未成即命其乡村馆穀谓读书在此奉养祖母亦
在此已守节三十八年乾隆四十二年有司以一门四
节请旌於

朝建坊设牌节孝祠

李养德妻毕氏养德贫苦以种菜为生养德卒氏焚香告
天缢死柩前

举人张应嵩继妻焦氏年二十二应嵩卒於客邸氏每欲
以死殉家人防卫甚严得少留葬毕不食死

张广土女幼许字徐弼世未嫁而弼世歿女请往弔母不

许改聘范姓子及羔雁至女始知痛哭欲死母曰我老矣儿若此我请先女重违亲意默不语及届婚期众戚眷纳女舆中女阴以带缠其项痰吼彻於外从人惊觉救以甦昇至范门女止不进疾声谓范父曰我徐家妇何强逼为也我所以隐忍至此者畏老母严命耳遂去吉服衷素缟衣上下缝紵不可解是时聚观者百千人范不得已退婚即送还其母至弼世忌日女向夫坟哭奠拜见公姑执妇道甚谨追服夫丧居年馀以哀悴卒赵良富妻苗氏良富贫以卖炭为业伤力死氏誓不独生

母謹防之至殮日谓母曰彼将就木我当往视之久不返比往瞰已自缢沟中树上矣

朱明统妻王氏传附艺文

贺进安妻刘氏传附艺文

张子修妻段氏二十二岁夫亡乘隙缢於柩侧绅士谏而祭之

王廷弼妻李氏传附艺文

关巩沂妻张氏夫死中州闻讣即欲自尽家人劝止之及沂柩归里远迎荒郊是日即自缢死

关文通妻吴氏年十七归於关夫经商於外孝事孀姑夫客死讣至取佩刀刺喉死前令表其门曰节烈可风
巩茂伦妻董氏年二十三夫亡无子女视夫殮后即行自缢前令以心照皎日表其间

庠生丁振武妻董氏妾陆氏振武病亡妾以身殉董抚孤守志年六十而卒守节三十六年

黄健纯妻张氏夫死他乡闻讣即欲以死殉家人防之严及夫棹归为夫无子立姪承桃后即经死学使邹谓其仁至义尽立匾旌之

农民赵君辅妻陈氏既受聘母闻君辅有疾心甚悔氏白母以从一之义母领之后归君辅未弥月劝夫就医外室躬任操作不以孀姑烦夫虑夫病剧与之诀氏欲先死以明己意夫慰止及夫亡泣血毀容水浆不入口母家有来弔者妇皆作永诀语辞别乘间投繯死县令旌其门

李朝彦妻郜氏年十九归於李甫两月朝彦以家贫亲老贸易於外越三载客死河南氏闻讣昏绝欲死姑泣劝之曰尔死吾亦死遂忍死奉姑二人相依为命徐谋承

嗣求之数十年不可得后姑死氏竭力丧葬亦自缢时
乾隆二十二年六月也

安贞女事载艺文

王福田妻张氏事载艺文

杨培澍妻崔氏年二十七而夫亡无子惟遗二女嗣姪为
后女长适人为嗣子娶妇婉顺适氏意氏爱之未几次
女先逝子妇亦亡抚周岁孙三顺鞠育成立复以瘠死
氏痛不欲生乘间自缢守节三十七年前令沈荣昌以
霜筠励节表其门

裴文奎女名凤姐幼许字秦百川子模为室未嫁而模死
凤姐闻而自缢前令繆其吉表其闾曰以烈全伦

董士杰妻郭氏年十七于归士杰因家贫亲老贸易於外
父母饮食多借氏力乾隆四十三年士杰客死於亳氏
闻讣恸不欲生於是夜入室自缢里人为醪金迎其夫
柩合窆之令为勒碑墓傍

张学鲁女名隆姐父母俱歿依祖母郭与伯母姚同居从
弟建玉时尚幼乾隆十八年五月夏郭与姚率玉往田
刈麦女呼邻家一幼女伴针黹重门自外扃里中恶少

范关保刘君虎侦知女家无人排闥入院女惊避内室以几案拄门恶少不能入併力攻其西牕女恐毁窗被污窘迫甚欲自投东窗逸出其窗以绳系下临深涧二丈许急啮断其绳连窗跃下负重伤死而复甦邻人奔救祖母亦自田间来白於县县官给医药疗其伤系二人於狱月馀女愤自经县令沈荣昌亲为视殮表墓薛效杜妻史氏年二十八夫客死於外遗孤甫三岁氏闻讣痛不欲生翁姑泣谕曰汝若死此呱呱者谁养之耶氏遂立志抚孤鞠育备至未几子复天殇氏痛心已极

入夜自縊前县繆其吉旌之

李天性妻牛氏年二十二夫亡上无翁姑子甫三岁誓欲以死殉夫因念幼子无依抚之成人可以衍夫宗桃已而子复病亡痛心泣血自縊而死前县以霜白鵲红表其门

王存义妻李氏祖姑申姑宋两世抚孤守志皆以节称氏年十九归存义二十一而夫亡遗孤凤鸣方在襁褓氏含恻乳育及稍能饮食隐泣曰有子可衍夫嗣有两姑可托以抚养吾当见亡夫於地下矣乘夜自縊死乡人

以三世节烈表之

段椿妻苗氏幼端庄贞静自持年十九而归椿椿糊口他乡家故贫氏凭十指以为活计越数年椿死客邸氏闻之誓以死殉迎椿柩归里遂自缢柩旁

王风淳妻宋氏年十七于归风淳贸易他乡数年无音耗氏以纺绩为生一日夫身抱病归氏日侍汤药求医问卜卒不起氏仰天泣血俟含殮毕即阖户自缢时氏二十四岁

张性元妻陈氏年十七于归越三年而夫亡家贫子幼氏

鳳臺縣志

卷之十

列女

十八

竭力抚养备尝艰苦至十六岁忽以疾殤氏痛哭曰吾辛勤十馀年为张氏一线血脉也今子死夫绝吾又何生乎遂水浆不入於口入夜自经死前县沈荣昌以茹荼完志匾其门

张闻喜妻薛氏年二十一归於张越年馀闻喜随人贸易天津以时疫亡氏闻讣欲以死殉家人日夜防范乃勉强进米粥苟延日月迨夫榱归里氏曰吾事毕矣遂自缢柩前

王廷选妻蔡氏青年归廷选逾岁生一女选素有呕逆症

一发辄数日不止日夜侍汤药及选病故而将遗嫁氏誓以死殉水浆不入口或勤之曰选止此一女子于归有期既已丧父忍使其失母乎自是饮食渐进越月粗备妆奁为女结褵毕即投缯自缢

鸿胪序班范和羹婢侯氏幼有至性举止言笑循常度羹异之将纳为妾已有成言事未果而羹忽痰疾暴亡氏哭曰吾将相从於地下家人颇闻其语而不之信及含殓氏周视其衣衾手足毕含笑而出急寻之则已於楼上自缢

烈女张氏农民国光女也幼恂谨寡言笑学为纺织操作如成人许字同邑栗会公子新安时女年十七新安以疾亡父母知女有至性讳其事女微闻之遂饮泣不食欲以死殉母婉谕之曰汝未嫁犹未成妇改字他姓不为失节女泣曰一丝定终身生不能为栗家人死愿为栗家鬼母见其志不可夺防之弥严出入兴居饮食必与偕凡镰刀绳剪之类皆移置他所女忽强作色笑操作如平时伺防护稍疎乘间自经死此乾隆三十年十月日事也

范世荣妻李氏年十七归范范客河南氏代夫持家政孝
养翁姑勤於操作邻里称贤越数年夫病死旅邸氏闻
讣即入户自缢时年二十六岁无所出族人哀其志公
议立子承嗣

张天锡妻史氏年二十二夫亡呼天号泣水浆不入口誓
以死殉家人防之乘间自缢柩侧前守朱樟赐额节烈
流香前令罗著藻立碑记其事

牛光妻孔氏青年归於牛牛素有弱疾经年卧床褥氏躬
奉汤药日夜不离缠绵数载而亡氏乘间入户自缢死

前郡守匾其门曰以身殉烈

牛元辂妻张氏传附艺文

杨尔中妻郭氏年二十八夫亡苦志抚子洪成立娶妻连
氏生孙后洪客死湖广连闻讣誓以身殉邻妪或慰之
曰姑老子幼勿为死计连曰儿已九岁可以奉姑姑方
六旬尚可养儿吾必於地下事吾夫也未几夫柩归潜
入户自缢於侧郭乃抚养孤孙家贫不能自给日以纺
绩为生备尝艰苦俾孙成人至七十五岁卒守节四十
七年

王绍肃妻苗氏年二十六夫亡遗子女各一立志抚养越二载子女相继殇誓以死殉或谕慰之曰吾之所以欲死者为亡夫无后也如为吾夫立嗣吾不死矣众因继其胞姪为后氏阖户自缢而死

孔得贵妻焦氏年二十苦节自矢教子文明成进士道守旌表

张元孕妻王氏年二十一夫亡无子室中惟孀姑日相依倚后姑欲改适氏痛哭留之不从氏承夫志犹餽姑衣食姑歿乃已

参政张光奎继室李氏年二十四夫亡抚子茂琨茂琨妻李氏年二十七抚子廷鑛廷鑛妻尚氏偕妾刘氏年二十抚子淮读书入郡庠三世守节者四人抚孤成立卒成令器

时世英妻崔氏年十九夫亡奉养祖姑居数月遗孤复夭丧氏卖衣饰营葬四棺后年老至七十馀家益贫终日团泥丸日卖数钱以自给里人哀之

史扬芳妻苏氏子女俱无年八十馀奉养一百八岁之老翁家贫日往亲串中必得少许酒肉佐翁食饮凡寢兴

寤寐氏扶掖不少离翁年踰上寿八十餘老媳无女无儿日必酒肉以奉孝思殊可感也

李化国妻原氏年十九夫亡遗孤汇征甫九月孤寡无依几至不能餬口教子汇征已入泮复早亡再抚孙以绵似续甘心穷饿百折不回年九十三卒

裴述皋妻李氏皋死寇氏抚二孤待其成长无何亦相继殒歿氏孑然独守形影悲凉乃销冠髻典质衣裙为夫葺家并修其墓年七十四以疾终

张国治妻赵氏治父承基为贼所繫治仓皇救护被杀氏

上事翁姑下抚稚子拮据以承天志年八十七而卒

生员张奇珍继妻王氏年二十归於张夫亡子幼姑盲於目氏能曲尽孝养常藉织纫以佐甘旨兵火频仍能训子学入庠孙曾亦善读书以食饩列明经

裴秉彝妻王氏彝遭寇遇害室毀巢倾氏婉转拮据保节全孤七十餘岁逢彝忌辰犹痛哭不自胜也

大理寺张光前妻朱氏年二十一夫亡无子无女嗣子亦复夭丧苦节终身年八十五卒

赵吉妻秦氏弱岁夫亡长子甫五龄幼子未周三岁氏奉

姑甚謹二子牽衣相將願復日勞瘁已而姑欲奪其志
权违姑命无由白已意乃托言采桑竟缢死夫墓侧

生员张肇兴妻宋氏夫亡抚孤子象瑗入泮年老康强犹
代子妇总理家政抚育诸孙

廩生张姿超妻袁氏夫为族人所搆不得於母无以自明
自经死氏年甫十九矢志坚贞家人屡挫辱之逆来顺
受卒完其节守志四十年前督使旌以匾曰苦节可贞
生员张姿迴妻宋氏州同知宋鸿之女孙迴少有隼才鸿
招为女孙婿结褵二载迴亡氏誓以身殉翁姑严防之

求死不得乃矢志自守以全节终与超妻称双节云

田光耀妻王氏年二十四抚五岁孤俾之成立守节四十
餘年

生员田种金妻王氏抚怀抱孤有成娣姒相依谐和一室
事亲教子各尽其道

生员李楷妾李氏年二十九夫与嫡室偕亡氏抚孤先登
朝夕海训至於成立先登起家县令终郡倅俱以廉洁
称亦足徵义方之训矣

知县丁其泰妻李氏泰以病卒於官遗孤尚幼氏挈子扶

柩归里门事八旬舅姑生养死葬无失礼抚孤子韶教
养兼备食饫於庠

生员段万钟妻任氏万鍾歿氏年十八几不欲生姑谕之
曰尔方有娠且待生男女后以决存亡何如乃强起饮
食果生子克勤读书领乡荐

张茂晟妻宋氏年二十六而寡遗孤方九岁辛勤鞠育既
娶妇生子复早亡再育孤孙以存宗祀稍长入郡庠

尹芳妻司氏夫亡年十九家故贫每饭常不饱时时挥泪
见姑嫜则强为色笑弗使老人有忧色抚二岁遗孤艰

辛万状卒克有成

李兴隆妻秦氏年二十夫病亡既而翁姑相继谢世子女
及嗣子旋复沦丧氏哭夫哭子哭舅姑终其身无虚日
屡营丧葬血泪为枯年七十餘颠连愈甚闻见者莫不
酸楚

进士翟于盘妻郭氏盘领乡荐卒於塗时氏年二十四无
子操井臼孝养翁姑立姪为子抚之成立

王顺德妻赵氏年二十一夫亡遗子方周岁翁姑年老氏
曲尽其道俯仰无惭先是其父欲夺而嫁之氏坚不从

卒成其志

生员何振继室申氏夫歿时年十九二子俱在襁褓八旬老翁久困床第氏移居村舍亲视耕桑以谋衣食奉舅食饮无缺失凡舅所需中裙厕踰皆亲为浣滌教子亦克有成道守累加旌表

韩瑒妻侯氏年十九生子甫三日夫亡舅姑年已耄耄奉老存孤皆无倚藉氏终日养蜂卖履为旦晚之需俯仰藉以不匮

生员张獭妻孙氏二十五岁夫亡教子追骐已食饩早歿

媳李氏生孙亦夭丧姑媳相依计无所出乃立姪承祀教之读书亦早岁入泮妇姑两世冰操闺门肃穆四十馀年如一日

监生张加侯妻孔氏夫亡年十九无子事孀姑朝夕定省不怠越二十五载叔生幼子始嗣之乳哺抚育曲尽劬劳守节四十五载

廩生鍾世芳继妻朱氏年十九丧夫事孀姑甚谨抚前氏子教养如己出世芳兄与弟相继沦亡氏代抚孤姪並鞠养襁褓姪孙顾复渝於常

翟子珣妻王氏夫亡年二十三无子又无舅姑伯叔相依倚室中惟稚女一人门庭衰冷迨女适人孤苦尤甚氏正静自好足不踰阃守节四十餘年

监生崔铎妻李氏年二十三子女俱无惟老姑在堂朝夕奉事氏念夫不已终日号哭卒至丧明死

宋黼皇妾徐氏年二十夫亡日与嫡室相依无何嫡室又卒乃继姪为嗣澹薄勤俭以终其身

廩生李捷妻王氏年二十五而寡家徒四壁敬事老翁遗孤二未离襁褓菽水乳哺之资悉取给於十指子兹彦

列明经萃亨中副榜

赵昭妻韩氏年二十五夫亡初欲以死殉姑谕以存孤大义勉从命家故贫民勤织纺以供俯仰姑歿丧葬皆如礼训子贞元入贡大廷诸子孙皆有才名

张二典妻原氏夫亡年二十五时老姑在堂厥子呱呱未离襁褓氏耕桑力作以孝养其姑教育其子姑既歿拮据营办诸大事无缺失后嗣皆贤能有家法卒年七十有八

王廷相妻李氏年二十二廷相歿氏事舅姑尽礼抚遗孤

二皆有成未几相弟廷佐卒无子氏命次子往继之俾不泯其宗祀守节六十年卒年八十二

王国明妾张氏年十九夫与嫡室一时並歿身无所出惟嫡子一人始五岁姑老家贫衣食殊苦乃日勤纺绩以供旨甘教子名卿早年入泮中道子复亡教育二孙艰辛愈甚厥后长孙进德游庠次孙承德以明经任祁县训导卒年九十三

监生赵廷对继妻马氏二十一岁生女甫三月夫亡惟前氏遗子三氏抚育备至皆有成方夫之歿也氏哭之甚

哀欲自縊家人救止之乃已学使稽闻其守义特加旌表

史纶章妻蔡氏夫亡年十九遗子从性始一岁家苦食贫氏竭蹶女红以养其子后为子娶妇子复亡媳吕氏时年二十有三无所出姑媳孀居苦节五十餘载年七十而终媳吕氏守节三十九载卒年六十有二

祁在中妻晋氏夫亡时年二十六遗孤赞皇始一岁遭家奇穷无以为殮氏脱簪珥营办之依栖母家教养遗孤至於成立年七十餘以疾终赞皇性纯谨事母以孝闻

生员王式斌母张氏守节四十餘年克事翁姑孝养兼至
教子力学成名

生员张统妻赖氏少年夫亡无子女抚养嗣子大蕴成立
年九十六以病终

监生陈朝宣妻张氏夫亡遗孤溥甫三岁茹荼抚育俾得
读书入泮历徧艰辛内外称之

赵祚昌妻申氏家甚贫遗子俱幼勤苦教养俱各成立享
寿八十五岁苦节五十七载

副榜王十臣妻郭氏自甘澹薄孝事孀姑苦节六十年寿

八十有六

祁县训导王承德继妻杨氏抚育前氏子不啻己出苦节
冰霜五十三载年七十八而卒

武生郭镇远母张氏夫死守节三十二年事姑训子各尽
其道

申彦妻蔡氏合卺五月夫亡屡次投缢翁姑力劝之始止
苦节自贞堪为女范

生员李维新妻崔氏夫亡年甫十九遗子植方一岁氏劬
劳顾复少长严课读书俾之成立守节六十餘载年八

十三而卒

王式舜妻韩氏年十九夫亡事姑十馀载殷勤周至姑歿哀毀成疾而卒

王嗣隆妻崔氏合卺未及二载夫亡年甫十九氏方娠后生子教养备至坚持贞节乡里称贤

任门二节任世业妻李氏夫亡遗子未周岁家贫困苦度日抚孤一十八载娶妇生孙未及三岁子又病亡养老育孤艰辛万状舅姑歿丧葬循礼守节五十八载姪孙妇李氏任永安妻亦守节抚孤一门二节真堪媲美

鳳臺縣志

卷之十

列女

二九

王公田妻马氏夫亡无子事八旬舅姑抚伶仃三女勤俭持家养生送死胥尽道苦节五十馀年享寿七十有七王仲友妻王氏夫死日号泣欲自尽防之未遂忧鬱成疾期月吐血死

贾奇英妻赵氏守节四十四年事姑尽孝教子成名

贾斌妻武氏夫亡贫甚勤纺绩以事翁姑训子成立年七十一岁苦节而终

秦时泰妻朱氏年二十七夫亡长子方四岁次子尚在襁褓家贫纺绩度日抚子有成守节三十五载

柴子实妻张氏夫死他乡遗二子俱幼俯仰无资饔飧取
给於十指舅姑赖以终养子稍长即命往迎夫柩归葬
成礼戚党皆称其贤

关中妻陈氏夫亡遗子二俱幼祖姑八旬馀老病不能饮
食氏日以乳乳之疾遂愈衣食无资艰辛以供俯仰哭
夫哀惨两目丧明忧劳成疾而卒

周赞尧妻宋氏夫死家贫奉姑嫜抚孤子守贞自誓历久
弥坚年七十而卒

陈君辅妻王氏夫死中州闻信毁颜改妆闭户自经死慷

慨赴义节烈可风

郜继统妻郭氏夫亡年甫二十九郭躬自纺绩勤操作以
孝养舅姑抚二子俱有成前太守许谓其苦节足以维
风为旌表之时年七十馀守节已四十载

董英杰妻高氏夫亡勤纺绩以佐饔飧衰老祖舅弱岁孤
儿俯仰各遂其欲苦节四十二载以疾终

王祖乙妻李氏年十七于归未踰年夫远游杳无音耗母
令改适氏持刀截髮誓无他志生遗腹子抚养既成立
命出外徧访父尸不得李日望空遥拜以终其身卒年

八十六苦节六十餘载

生员赵嘉祿妻马氏夫死饮蘂茹荼抚孤孙备尝艰苦守节四十餘年卒

生员苗进元妻徐氏年二十五夫亡矢志抚孤艰苦备尝为子娶妻生孙子复殇复养其孙成人守节六十一年次孙裔绶妻曲氏夫亡时年二十九岁茹荼自守苦节四十一年曾孙允芮妻李氏年二十餘夫亡亦以哀悴而死时称苗门三节

庠生田均妻王氏夫亡无子立从子以承夫祀敬事翁姑

鳳臺縣志

卷之十

列女

三一

日勤纺绩苦节三十五载

薛九州妻岳氏弱岁丧夫事舅姑以孝闻抚遗孤俾之成立闾党贤之

国学生杨程树妻李氏柏舟自矢痛夫乏嗣以侄为子嗣养未几复天丧氏痛心疾首忧愤而终

杨衣绿妻赵氏偕伉俪仅三载夫歿闭户幽居坚贞守节王建中妻申氏于归三载夫亡孝事高堂抚孤成立孀居六十餘载年八十餘卒州守屡加旌表

李际国妻段氏年十八夫亡养八旬老姑抚五月稚子苦

节三十六载

张灏妻赵氏庠生张廷僚母孝养姑舅教子成立苦节四十年州牧给匾优奖

张懋修妾史氏性和顺自夫君丧后训子开先成立嫡武氏遇侧室亦贤而有礼以是庭无诟谇和敬相将並寿登耄耄而卒

王廷辅妻柴氏夫死家贫且昼佃田力作夜则勤缝紵抚孤成立初夫之丧其母欲夺而嫁之誓不从苦节四十餘年而卒

生员史瑞麟妻郎氏一门三世两寡六孤家故贫氏孝养孀姑抚诸子皆成立享寿九十而终

宋门二节宋乔妻董氏夫亡遗子玘甫三岁勤劳抚育娶妇董氏生孙才数月玘复亡姑媳二人苦守孤孙成立俱享永年州守陶自悦嘉其三世节孝以匾旌之

张赐官妻李氏夫亡抚孤成立矢志靡他

张启蒙妻王氏茹荼三十五年抚孤光台成立事上御下曲尽其道学政文翔凤为志其墓

翟兰芳继妻王氏年十九归芳及芳歿抚前妻子瑄如已

出往就外傅凡书纸笔墨氏以女红佐之瑄后食饩胶庠皆禀母训守节四十餘载七十一而卒

王楚妻梁氏年十七归楚阅二载楚贾客他乡中途病死氏闻初欲自尽继以旅棹未归为憾遂鬻簪珥求人徧访终不获朝夕哭泣尽继以血寻痛夫乏嗣族弱又无继其后者含悲数月抑鬱以死

生员梁戊生继妻张氏归戊甫一岁戊以病亡氏断髮自矢未七日即投缳自尽县尹闻而旌之

广西贺县典史刘廷瓚妻王氏夫亡孝事翁姑教二子德

成名立州守陶给匾优奖

赵熙妻张氏夫亡氏年十七无子张事翁姑曲尽其礼复以兄子流谦为嗣时流谦方一岁抚育成立名列胶庠苦节四十四载而卒

国学生王纯仁妻郝氏仁亡氏欲以死殉姑防闲甚密乃止遗子女二人亦未暇顾复惟日夜哀号惨怛闻见者莫不心碎踰九月竟痛死子肇勋有声鬻序

秦广寿妻姚氏年十七于归未二载夫亡遗子一尚幼氏兢兢顾复事舅姑甚孝后不幸子复亡又抚二孙教其

成立守节五十八年州牧佟给扁旌表

刘门三节刘登甲妻牛氏夫亡抚四岁孤儿子死又抚孤孙成立守节五十年寿八十刘抡甲继妻王氏夫亡抚遗腹子有成不幸子亡又抚其孙守节四十载刘淳妻宋氏抚孤成立守节四十载

生员田丙光妻陈氏夫亡氏年二十五遗子二长甫九岁次二岁时家难纷纭陈坚持大节善抚其孤二子俱成立苦节三十馀年长子增璵任云南马龙州吏目

生员张淮妻关氏夫亡氏年二十九上事高堂下抚穉子

鳳臺縣志

卷之十

列女

三四

苦节三十载

鍾珣基母丁氏夫亡珣始生三月氏抱孤而泣凡寢兴欲食必时时顾复之卒能成立守节四十馀年邑令给匾优奖

举人李撰妾冯氏增生李葆光庶母初夫歿时冯年二十欲以死殉戚党劝止之既而母欲夺其志冯坚不从时葆光少小无依冯力持门户撙节财用俾葆光锐志力学为名诸生苦节四十年卒

监生李龄妻司氏二十四岁而夫亡子承业方五龄时舅

姑早没堂上惟八旬祖姑氏早夜承欢视膳无缺承业力学入庠苦节三十八载卒年六十有二

庠增生王润妻赵氏年二十三夫亡育子维本食贫读书后变计业医活人甚众世称母训居多云守节五十七年卒

宋门二节国学生宋轼妻张氏宋懿妻申氏俱无子女寂处闺阃中洁清自守名播乡间

王琬妻郭氏夫亡遗孤尚幼郭自甘澹薄抚子能睿读书列名贡士州守屡旌其门

王仁妻崔氏鸿胪寺主簿王振羽母夫亡家苦食贫氏甘守清操训孤成立苦节三十八载

张悦修妻温氏夫亡遗孤方六岁日教以读书进取儿获成立苦节四十五载寿七十餘卒

张軫妻温氏夫歿时姑衰子幼氏独立承家俯仰俱无愧色尝云世人死殉其夫吾独以不死报吾夫耳

秦门四节秦敏妻黄氏夫亡抚孤守节四十七年秦熙和妻王氏结褵未久不幸夫亡苦节食贫义方教子秦熙緝妻聂氏秦熙载妻赵氏各守冰操娣姒间从无忤色

实闺中之模范

郭毓礼继妻张氏夫亡年甫十九无子恸哭悲号愿以身殉宗族立其侄以嗣之氏苦节训养历四十年而歿田存信妻梁氏年十八岁适梁甫三月夫亡恸哭几死赖舅姑劝慰因而自全后舅姑相继而亡氏孑然一身艰苦备尝惟以纺绩度日苦节三十七年

王培正继妻张氏夫亡长子五岁次子生未踰月氏号泣几至殒命寻以藐孤未成立勉留馀生以教养厥子如是者三十六年子王哲王毅俱克有成乡里奉为仪表

佾礼生王式符妻王氏夫亡家甚贫孀姑在堂二子尚幼氏勤俭持家仰事俯育教长子敏游庠早逝次子亦亡再抚两孙成立长孙钦典已为诸生人以为苦节之报生员张追骥继妻李氏结褵未及一载夫病亡李年甫十七无子乃立侄同誠为嗣同誠方六岁鞠育训诲名列胶庠苦节四十餘载

生员孔毓濬妻聂氏年十六于归甫三载夫寢疾氏愿以身代即赴井中儿死家人授之得免及夫卒又欲引刀自刎姑慰之乃止后立侄传植承夫嗣爱如己出教之

入成均苦节四十餘载

王王氏山东盐法道王廷抡侧室夫歿氏年二十四水浆不入口誓以死殉时生子甫三月宗族谕以轻生弃子非义乃抚子苦守教育成人三十餘年以子鏜贵受封如例

鳳臺縣志

卷之十

列女

三七

凤台县志卷之十终